

Kalaallit Nunaanni Namminersorlutik Oqartussat

Ukiumoortumik nalunaarut 2017

Akilerartarnermut Aqutsisoqarfik




*2017-mut ukiumoortumik nalunaarut AKA
Aaqqissuisoq: Akilerartarnermut Aqutsisoqarfik
Isikkussaanik ilusissaanillu aaqqissuisoq: Ilannguaq Nielsen
Ukiumoortumik nalunaarut taamaallaat eletroniskiussaaq
www.AKA.gl-miillu aaneqarsinnaalluni*

*Akilerartarnermut Aqutsisoqarfik
Indaleeqqap Aqq. nr. 1
Postboks 1605
3900 Nuuk
Oqarasuaat 34 65 00*

Akileraartarnermut Aqutsisoqarfik	2
Akileraartarnermut Aqutsisoqarfimmi immikkoortortat ukiumullu pingaarnertut suliassat nassuiaataat	3
Aqutsisunut Sullissivik	3
Aningaasaqarnermut Immikkoortortaq	4
Siunnersuinermit Nakkutilliinermullu Immikkoortortaq	4
Akiliisitsiniartarnermut Immikkoortortaq	6
Ataatsimoorussanik Immikkoortortaq	6
2017-imut Naatsorsuutit kisitsisitaat	7
Akileraartarnermut Aqutsisoqarfik, allaffissorneq	8
2017-imi toqqaannartumik akileraarutit naatsorsorneqarnerisa inernerat	9
2017-imi akileraarutinit isertitanut tamanut tunngasut	9
Nuna tamakkerlugu akileraarut	10
Nuna tamakkerlugu immikkut akileraarut	10
Ingerlatseqatigiiffiit akileraarutaat, Namminersorlutik Oqartussat suliffeqarfiutaat	11
2017-imi toqqaannangitsumik akileraarutit naatsorsorneqarnerisa inernerat	11
Nioqqutissanik eqqussuinermit akitsuutit	13
Motoorinut akitsuut	15
Nukissiornermit ikummatissat avatangiisinut akitsuutaat	16
Aalisarnermut akitsuutit	17
Sulisoqarnermut akitsuut	19
2017-imi akissarsianit ilanngaanissamut isumaqatigiissutit, naafferartumik akilersuinissamut aqqissuussinerit akiitsuullu qanoq inissisimanerisa naatsorsorneqarneranni inernerit	19
Akiliisitsiniartarnermut tunngatillugu kontop misissorneqarnera	22
Pisassanut allanut siusinnerusukkut isumakkiikkanut akiliutit (Isertitassatut aningaasaliissutit) ..	22
Sulisitsisuni unerartitanit annaasat	23
Akileraarutinit akiliisitsissutit	24
Akitsuutinit akiliisitsissutit	25
Naatsorsuinermit inernerit allat	25
Sulinal & GER	26
2017-imi GR normunik aamma biilit agguataarneqarsimaneri pillugit nalunaarsuinermit inernerit	27
Akileraartarnermut akitsuusiisarnikkullu inatsisini 2017-imi allannguutit	28

Akilerartarnermut Aqutsisoqarfik

Akilerartarnermut Aqutsisoqarfik aqqissuussaannermigut Aningaasaqarnermut Naalackersuisoqarfimmut attuumassuteqarpoq. Akilerartarnermut Aqutsisoqarfik immikkoortortaqaqfimmitt tallimanut agguagaavoq: Aningaasaqarnermut Immikkoortortaq, Siunnersuinermit Nakkutilliinermullu Immikkoortortaq, Akiliisitsiniartarnermut Immikkoortortaq, Ataatsimoorussanik Immikkoortortaq kiisalu Aqutsisunut Sullissivik.



Akilerartarnermut Aqutsisoqarfiup suliassai pingaarnerit tassaapput, akileraarutininik akitsuutinillu akiliisitsinerit kiisalu pisortanut akiitsunik akiliisitsiniartarneq.

Ulloq 1. januar 2018 aallarnerfigalugu Kalaallit Nunaanni Inuussutissarsiummik Ingerlataqartunik Nalunaarsuiffik GER Danmarkimi Inuussutissarsiummik Ingerlataqartunut Nalunaarsuiffimmut CVR-mut nuunneqarpoq. Sulili kalaallit suliffeqarfiutaat Akilerartarnermut Aqutsisoqarfik aqutugalugu nalunaarsorneqarsinnaapput.

Suliassat Nuummi qitiusumik allaffimmi kiisalu nunap immikkoortuini sisamaasuni Qaqortumi, Maniitsumi, Sisimiuni Ilulissanilu kiisalu Danmarkimi allaffinni pingasuni suliarineqartarput.

Akilerartarnermut Aqutsisoqarfik ulloq 31-12-2017 katillugit 114-inik sulisoqarpoq.

Katillugit arnat 82-it (72 %) angutillu 32-t (28 %) Akilerartarnermi Aqutsisoqarfimmi atorfeqarput.

Aqutsisoqarfiup sullisseriaaseq suli atuuttoq aqutsisoqarfiullu nittartagaani www.aka.gl-mi "Aqutsisoqarfimmut tunngasut"-mi aaneqarsinnaasoq 2015-imi akuersissutigaa.

Akilerartarnermut Aqutsisoqarfik kalaallinut inuusuttunut ilinniartitseqataavoq. Ilinniartutik suliffimmik misiliisut sisamat 2017-imi sulisorineqarput, taakku ilinniarnermi ukiut marluk ingerlannerini atuarnaq suliffimillu misiliinerit paarlakaallugit Akilerartarnermut Aqutsisoqarfimmi suliassanut tunngasut pillugit ilinniartinneqarluput.

Akilerartarnermut Aqutsisoqarfimmi immikkoortortat ukiumullu pingaarnertut suliassat nassuiaataat

Aqutsisunut Sullissivik

Aqutsisunut Sullissiviup suliassarai aqutsisunut kiisalu Aningaasaqarnermut Naalackersuisoqarfimmut tunngatillugit allaffissorneq siunnersuinerlu. Akileraarusiineri akitsuusiinermilu assigisaanilu kisitsisitigut paasissutissat malillugit aalisarnermi akitsuutit, Siku imerlu, Immiorfeeqqat immiaaqqanut akitsuutaat pillugit allaffissorneq akiliisitsiniarnerlu kiisalu nunat tamalaat akornanni isumaqatigiissutinut assigisaanullu atatillugu oqartussaaneq aamma nunani tamalaani oqartussat akornanni paasissutissanik avitseqatigiittarneq. Kiisalu susassaqaarfiit akimorlugit suliniutit ataqatigiissaarneqarnissaat aqutsisunut sullissiviup akisussaaffigaa.

Suliffeqaarfiit aatsitassalerisut nakkutiginnissaannut akileraarusersornissaannullu nunanut tamalaanut tunngasunut allaffimmi suliassat allaffiup taassuma 2016-imi matuneqarnerata kingunerisaanik aqutsisunut sullissivimmut suliassangortinneqarput.

2017-imi Aqutsisunut Sullissivimmi suliassat makkuunerusimapput:

- (1) Pensionit pillugit inatsisinik suliqaarneq, nunani allani pensionitigut aqqissuussinernut akiliutit siumoortumik akileraarusernarneri 1. januar 2017-imi atuutilerpoq kiisalu pensionisiassanik pinngitsoorani ileqqaartarnissaq 1. januar 2018-imi atuutilerluni.

- (2) Kalaallit Nunaanni aalisarnermi pisuussutinit akileraarutit pillugit inatsimmik nutaamik suliaqarneq 1. januar 2018-imi aallartippoq.

Aningaasaqarnermut Immikkoortortaq

Aningaasaqarnermut immikkoortortaqarfimmi sulisut 19-it ilinniartullu ataatsip aqutsisoqarfiup akileraarutinit akitsuutinillu akiliisitsiniartarnera, akileraarusersuisarnera, tunniussisarnera, akiliisitsisarnera, ilanngaasiisarnera, nalunaarsuisarnera allaffissortarneralu suliarinerusarpaat.

2017-imi Aningaasaqarnermut immikkoortortaqarfimmi suliassat makkuunerusimapput.

- (1) ERP-mik naatsorsuinermilu aaqqissuussinermik (PRISME) nutaamik atulersitsiniarnermi tulluarsaalluni piareersaallunilu sulineq. Naatsorsuinermi atortoq, akileraartarnermi akiliisitsiniarnermilu atortut 1. januar 2019-imi atorineqalernissaat naatsorsuutigineqarluni.
- (2) Sulisitsisunik nalunaarsuiffiup XAL-imiit eSkatimut nuunnissaanik sulissuteqarneq kiisalu Sulinal-ip ilaanik qaammatikkaartumik nassuiaatinut aningaasarsiatigullu paasissutissanut tunggassuteqartunik nuussinissaq.
- (3) Ulloq 1. januar 2018 GER-imiit CVR-imut nuussilluni suliaqarneq. CVR-imik allaffissorneq Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfik sinnerlugu Akileraartarnermut Aqutsisoqarfiup 31. december 2020-p tungaanut isumagissavaa.

Siunnersuinermut Nakkutilliinermullu Immikkoortortaq

Immikkoortortami sulisut 33-t ilinniartuutaallu ataaseq Nuummi, Maniitsumi, Sisimiunit, Ilulissani Danmarkimilu najugaqartut aqutaraat akileraartarnermut tunggasutigut suliassat tamaasa, innuttaasunut suliffeqarfinnullu ikiuuttarneq ilitsersuisarnerlu, akileraarusersuisarneq akileraarusiinermi akitsuusiisarnermilu suliffeqarfiit ingerlatseqatigiiffiillu il. il. sinnerlugit kukkuneruisarneq, sulisitsisunik nakkutilliisarneq kiisalu nunamut tikittunik nunamiillu aallartunik aamma nioqqutissanik eqqussuinermik annissuinermillu nakkutilliisarneq.

2017-imi Siunnersuinermut Nakkutilliinermullu Immikkoortortami suliassat makkuunerusimapput:

- 1) Siunnersuinermut Nakkutilliinermullu Immikkoortortami aamma/imaluunniit akiliisitsiniartarnermut immikkoortortami sulisut 2017-imi illoqarfinnut 14-inut nunaqarfinnullu marlunnut angalasimapput, angalanermi nammineerluni nalunaarsuisarnermik inaarutaasumillu naatsorsuisarnermik siunnersuisoqarlunilu ilitsersuisoqarsimavoq kiisalu nakkutilliillunilu kukkuneruisoqarsimalluni.
- 2) Kukkuneruisoqarfik 2017-imi illoqarfinnut nunaqarfinnullu assigiinngitsunut tallimariarluni angalasimavoq. Siunertaq pingarneq tassaasimavoq ukiuni kingullerni

naatsorsuutinin/nammineq nalunaarutinin tunniussisimangitsut inuit attaviginissaat, taamaattumillu missiliuinikkut inissiiffigineqarsimallutik.

- 3) Akileraartarnermut Aqutsisoqarfiup 2017-imi inunnit nammineerluni nalunaarsukkanit 50.600-t missaanniittunit kiisalu aktiaatileqatigiiffinnit piginneqatigiiffinniillu nammineerluni nalunaarsukkanit 1.000-it missaanniittunit akileraarusiinernit paasissutissat suliarisimavai.
- 4) Aqutsisoqarfiup kukkunerisuisuisa 2017-imi suliat 1.552-it misissorsimavaat, 2016-imi suliat misissorneqartut 1.181-usimallutik. Suliat 1.024-t 367,8 mio. kr.-nik qaffaaffigineqarsimapput kiisalu suliat 448-t 138,8 mio. kr.-nik appaaffigineqarsimallutik, suliat 80-it taamaatinneqarsimapput. 2017-imi apeqquteqaatit 93-t suliarineqarsimapput.
- 5) Ilanngaaserinerup 2017-imi nukittorsarnera ilanngaaserisunik qimmeqartunik allanik atorfinitsitseqqittoqarneratigut 2018-imi nanginneqassasoq.
- 6) Ikiaroorartunut aningaasanullu tunngatillugit nakkutillineq annertoq ingerlateqqinneqarpoq, ilaatigut tamatuma nassataanik arsaarinnissutigineqarsimavoq 34,5 kg. hash sulianut 83-inut agguagaasoq, tassa 2016-imut sanilliullugu 1,9 kg.-mik annertunerusoq. Tamatuma saniatigut katillugit suliani 21-ni 2.143.940 kr.-t arsaarinnissutigineqarsimapput. Tassunga sanilliullugu 2016-imi suliani 20-usuni 3.629.750 kr.-t arsaarinnissutigineqarsimapput.
- 7) 2017-ip naanerani Sikuki Harbourimi init nutaat nioqputissanik assigisaannillu nakkutilliinermi atugassanik scanneritallit il. il. atorneqalerput.
- 8) Timimik misissuissut nutaaq Kangerlussuarmi inissinneqarsimasoq 2016-ip naanerani atulerneqarsimavoq. Aanngajaarniutinik iineqarsimasunik imaluunniit timip ammanerini allani toqqorsimasanik anngiorluni eqqussiniarnerit 16-it 2017-imi paasineqarput.
- 9) Suleqatigiinnermik inerisaajuarnissaq nunat allat kilisaataannit aalisakkanik tulaassuinermit atatillugu nakkutilliisarnernut tunngatillugu Inuusutissalerinermit Aqutsisoqarfik aamma Kalaallit Nunaanni Aalisarsinnaanermut Akuersissutinik Nakkutilliisoqarfik peqatigalugit 2014-imi aallartinneqarpoq. Nakkutilliinermi periusissat Kalaallit Nunaata avammut killeqarfianik EU-p annertussusiliinerata malitsigisaanik pilersinneqarput.
- 10) Akileraartarnermut Aqutsisoqarfiup 2017-ip naanerani suliat 50-it missaanniittut akiliisitsisoqarsinnaaneramik naliligassanngortissimavai.

Akiliisitsiniartarnermut Immikkoortortaq

2017-imi akiliisitsiniartarnermut immikkoortortami sulisut 27-upput ilinniartullu marluullutik, taakku Kalaallit Nunaanni allaffinni assigiinngitsuni sulisuupput. Immikkoortortap suliassaa pingarneq tassaavoq innuttaasut suliffeqarfiillu pisortanut akiitsuinik akiliititsiniarnissaq.

2017-imi Akiliisitsiniartarnermut Immikkoortortami suliassat makkuunerusimapput:

- (1) Akileraarutitut A-nut akiitsunik akiitsunillu akiliisinnaassuseqartoqartoq naliliisoqaraangat akiliisitsiniarnermik ukkatarinninneq. Ilaatigut akiliisinnaajunnaartoqarnera sukkanerujussuarmik nalunaarutigineqartalerpoq, taamaalilluni sukannernerusumik taamatut iliortoqartanngitsuuppat nukippassuarnik atuiffiusussaagaluaq pinngitsoortillugu akiligassanik arlalinnik akiliisoqarnissaa qulakkeerneqartarpoq.
- (2) Ujarlernerup aatsitassarsiornerullu tungaasigut akiitsunik qanimut sammisaqarneq malitseqartitsinerlu.

Ataatsimoorussanik Immikkoortortaq

Ataatsimoorussanik Immikkoortortap taassanilu sulisut 23-usut pingaarnertut suliassaata tassaavoq Akileraartarnermut Aqutsisoqarfimmi sullissanut atatillugu kiinnernissaq, tassa innuttaasunut sullissinissaq. Taassuma saniatigut sulisut pillugit sulianut, akissarsianut, qarasaasiaqarnermut nalinginnaasumillu allaffissornernut atatillugu suliassat suliarisarpaat. Akileraarnermut, akiliisitsiniarnermut, momsimumut allagartanik naqitsisarnermut, akitsuutitut, CVR-mut allanullu atatillugu innuttaasunut sullissivik aqqutigalugu Akileraartarnermut Aqutsisoqarfimmut saaffiginnissutit tamaasa.

Ulluinnarni innuttaasunut sullissinerup saniatigut akileraarusersuineq, naatsorsuineq suliassallu allat, soorlu e-mailikkut oqarasuaatiknullu saaffiginnissutit isumagineqartarput. Qaammatit tamaasa 4.400-t missingi Akileraartarnermut Aqutsisoqarfiup saaffiginnittarfianut ornigullutik saaffiginnittarput. Ornigullutik saaffiginnittartut saniatigut agguaqatigiissillugit 3.330-t missingi ullut tamaasa sullissivimmut sianertarput. Agguaqatigiissitat saniatigut ullormut saaffiginnittarfimmut sianertartunit 300-t Namminersorlutik Oqartussat nuutsisarfiannit ingerlateqqinneqartarput. Akileraartarnermut Aqutsisoqarfiup mailikkut saaffiginnissutit qaammammumut agguaqatigiissillugit 1.700-t tiguserpai.

2017-imut Naatsorsuutit kisitsisitaat

Akileraartarnermut Aqutsisoqarfiup innuttaasut suliffeqarfiillu pisortanut akileraarutaat akitsuutillu ulluinnarni suliarisarpaat. 2017-imi Nunatta Karsianut isertitat katillugit 2.181 mio kr.-upput.

Aningaasaliissutit qaffasissusiisa naatsorsorneqarnerat	Aningaasaliissutit	Atuineq	Nikingassut	Atuiner it %-inngorlugit
---	--------------------	---------	-------------	--------------------------

24 Akileraartarnermut Aqutsisoqarfik IST-p inernerata	-2.081.587	-2.181.690	100.103	105
---	------------	------------	---------	-----

Akileraartarnermut Aqutsisoqarfimmi IST-p inernerata takutippaa 100,1 mio. kr.-t missaannik isertitaqarnerusoqarsimasoq missingersuutitut naleqqiullugu 5%-inik nikingassuteqarnertut annertussusilinnik.

Toqqaannartumik akileraarutit missingersuusiorneqarsimasunit 79,0 mio. koruuninik amerlanerusunik isertitsissutaapput, 7%-inik nikingassuteqarnertut annertussusilinnik. Isertitaqarneruneq tamanna pingaarnertut ingerlatseqatigiiffinit namminersorlutik oqartussanit pigineqartunit ingerlatseqatigiiffiit akileraarutaasa annertunerunerannit kiisalu minnerusumik naatsorsuutigisamiit nuna tamakkerlugu akileraarutit annertunerusumik ingerlaavartumik naatsorsorneqartarnerannit pissuteqarpoq.

Toqqaannangitsumik akileraarutinit isertitat tamarmiusut akitsuuserneqartut assigiinngitsut pitsaasumik pitsaangitsumillu nikingassutaannut matussusiipput. Assersuutigalugu motorinut umiarsualivimmiinnermullu akitsuutit 3,1 mio. kr.-t aamma 2,0 mio.kr.-t missaannik iluanaarfiunerusimapput, pinnguaatinullu akitsuut aamma avatangiisinut akitsuut 1,5 mio. kr.-t missaannik aamma 1,8 mio. kr.-t missaannik isertitaqarfiusimallutik.

Toqqaannangitsumik akileraarutit naatsorsuutigisamit 20,8 mio. kr.-t missaannik isertitaqarneruffiusimapput 2%-it missaannik nikingassuteqarnertut annertussusilinnik. Nikingassutit pingaarnertut eqqussuinerumut, naqissusiinerumut, sulisoqarnermut kiisalu qaleralinnut akitsuutinit isertitat 15,4 mio. kr., 10,5 mio. kr., 7,1 mio. kr. aamma 7,8 mio. kr.-usut annertunerunerannik pissuteqarput.

Ataatsimut isigalugu aalisakkanut akitsuutinit isertitat missingersuutitut sanilliullugit 14,4 mio. kr.-nik ikinnerusimapput. Tassa aalisakkanut akitsuutinit iluanaarutit 2017-imi katillugit 273,1 mio. kr.-upput missingersuutinili 287,5 mio. kr.-ullutik, 5%-it missaannik nikingassuteqarnertut annertussuseqarlutik. Aalisakkanut akitsuutinit isertitat 2016-imi 269,0 mio. kr.-usimapput.

Immikkut oqaatigineqarsinnaavoq raajanut aalisakkanullu ikerinnaasiortunut akitsuutit missingersuutigisaniit 9,6 mio. kr.-nik 12,6 mio. kr.-nillu annikinnerusumik isertitsissutaasimasut.

Akitsuutitut allanut tunngatillugu 2017-imut aningaasanut inatsimmi naatsorsuutigineqartunut sanilliullugu pitsaasumik pitsaangitsumilluunniit nikingassuteqalaarput.

Akileraartarnermut Aqutsisoqarfik, allaffissorneq


Aningaasaliissutit qaffasissusiisa naatsorsorneqarnerat	Aningaas aliissutit	Atuineq	Nikingass ut	Atuinerit %-inngorlugit
---	---------------------	---------	--------------	-------------------------

Akissarsiat katillugit	52.400	49.791	2.609	95
Aningaasartuutit allat	24.710	26.992	-2.282	109
Isertitat	-50	-9	-41	18
Isumakkeerinninnerit il.il.	0	286	-286	n/a*
Ingerlatsineq katillugit	77.060	77.060	0	100
Ukioq naallugu suliffiit	121	114	7	94

* n/a: Paasissutissaq taanna pissarsiarineqarsinnaanngilaq.



2017-imi toqqaannartumik akileraarutit naatsorsorneqarnerisa inernerat



2017-imi akileraarutinit isertitanut tamanut tunngasut

2016-imi isertitanut 856,53 mio kr.-usunut sanilliullugu 2017-imi isertitat 888,76 mio kr.-usimapput. Inummut akileraarutinit isertitat 2009-mit 2014 tikillugu annikilliertorsimagaluarput. Sanaartornermi aalisarnermilu suliasaqarnerusimaneq 2017-imi akileraarutinit isertitat amerlaneruneranut pissutaavoq.

Ingerlatseqatigiiffiit akileraarutaat pingaartumik Namminersorlutik Oqartussat suliffeqarfiutaanneersut 2017-imi pitsanngoriangaatsiarsimapput. Pitsanngoriaateqarsimanermit pissutaaneruvoq Royal Arctic Line A/S-ip akiliuteqarnerusimanera. Ukiumi naatsorsuuteqarfiusumi 2017-imi pitsaasumik ineriartortoqarsimaneranut pissutaanerpaasut ilagaat assartorneqartartut annertusiartorsimanagerat, tassa ataatsimut isigalugit 2016-imut sanilliullugu 10%-it sinnerlugit assartugaqarnerusoqarsimavoq.

Toqqaannartumik akileraarutit taaku nuna tamakkerlugu akileraarummut, pingaartumik nuna tamakkerlugu akileraarummut ingerlatseqatigiiffinnullu akileraarummut, agguarsimapput. Immikkoortuni minnerni tullinnguuttuni kontot pineqartut allaaserineqarput. Malugiuk kisitsisit tabeliniittut kontoniittullu tamarmik 1.000 kr.-kkaarmata.

Nuna tamakkerlugu akileraarut

Aningaasaliissutit qaffasissusiisa naatsorsorneqarnerat	Aningaasaliissutit	Atuineq	Nikingassut	Atuinerit %-inngorlugit
Akileraarutit akitsuutillu	-996.000	- 1.018.786	22.786	102

Kontumi 22,8 mio. kr.-t missaannik isertitaqarnerusoqarsimasoq takuneqarsinnaavoq 2 %-imik nikingassuteqarnertut annertussusilimmik. Nikingasoqarneranut naatsorsuutigisamiit akileraarutitut unerartitanut ingerlaavartumik akiliutigineqartut annertuseriarnerat ilaatigut pissutaatinneqarpoq, tamannalu ukiunut siuliinut sanilliullugu inuiaqatigiinni aningaasarsiornerunermut takussutissaavoq, tamatumani pingaartumik nunarsuaq tamakkerlugu aalisakkanut qalerualinnullu akit pitsanngoriartornerannut pissutaaqataapput.

2017-imi PAL-imut akileraarutitut iluanaarutit missingersuutigineqartuniit ikinnerusimapput.

Ukiumi ingerlatseqatigiiffiit akileraarutaat missingersuutigineqartumiit minnerulaarsimapput, tamanna ukiup siulianut tunngatillugu 7,4 mio. kr.-t missaaniittunik ammut iluarsiissuteqartoqarsimanerank pingaarnertut pissuteqarpoq.

Ukiumi iluanaarutisianit akileraarutit missingersuutigineqartumiit annerulaarsimapput, taamaasillutik 2017-imi ingerlatseqatigiiffiit iluanaarutinillu akileraarutit katillugit 2017-imut ingerlatseqatigiiffiit iluanaarutinillu akileraarutitut missingersuutigineqartunut naapertuullutik.

Akiitsulinnit annaasanut immikkoortitsinerni 160 mio. kr.-t missaanniittut akileraarutissat sinnerinik annaasanut immikkoortitsinermut tunngassuteqarput.

Nuna tamakkerlugu immikkut akileraarut

Aningaasaliissutit qaffasissusiisa naatsorsorneqarnerat	Aningaasaliissutit	Atuineq	Nikingassut	Atuinerit %-inngorlugit
Akileraarutit akitsuutillu	-75.000	-78.565	3.565	105

Kontumi 3,6 mio. kr.-t missaannik isertitaqarnerusoqarsimasoq takuneqarsinnaavoq 5 %-inik nikingassuteqarnertut annertussusilinnik.

Nikingasoqarnera 2017-imi ilimagisamiit akileraarutinut A-nut unerartitanut ingerlaavartumik akiliutigineqartartut amerlanerulaarsimanerannik pissuteqarpoq, ingerlatseqatigiiffiilli akileraarutaat missingsuutigineqartumiit minnerulaarsimallutik.

Ingerlatseqatigiiffiit akileraarutaat, Namminersorlutik Oqartussat suliffeqarfiutaat

Aningaasaliissutit qaffasissusiisa naatsorsorneqarnerat	Aningaasaliissutit	Atuineq	Nikingassut	Atuinerit %-inngorlugit
Akileraarutit akitsuutillu	-61.000	-113.663	-52.663	186

Namminersorlutik Oqartussat suliffeqarfiutaannit ingerlatseqatigiiffiit akileraarutaanni takuneqarsinnaavoq 52,7 mio. kr.-t missaannik isertitaqarnerusoqarsimasoq 86 %-inik nikingassuteqartoqarneratut annertussusilinnik.

Nikingasoqarneranut Royal Arctic Line A/S, KNI A/S aamma Tele Greenland A/S pissutaapput.

Royal Arctic Line A/S-ip ukiumoortumik nalunaarusiamini nammineq erseqqissarpaa ukiumi naatsorsuusiortummi 2016-imi ineriartorluarnermut pingaarnertut assartukkat amerliartortuarneri pissutaasut, 2015-imut sanilliullugu katillugit 10%-it sinnerlugit qaffassimapput.

Taamatutaaq ukiumi naatsorsuiffiusumi 2016-imi iluanaarutinik ingerlatseqatigiiffimmi piginneqataasunut tunniussaartoqarsimangilaq, tamannalu ingerlatseqatigiiffiup akileraarutinut akiliutaanut ajunngitsumik sunniuteqarsimavoq.

Greenland Holdning A/S-ip akileraarutinut akiliutai 2016-imiit 2017-imut malunnartumik annikilleriarsimapput, 2016-imi 34,8 mio. kr.-usimagaluarlutik 2017-imi 6,4 mio. kr.-nngorsimapput. Ingerlatseqatigiiffiup Greenland Contractorsimi piginneqataassutai taamatut annikilleriartoqarneranut tunggassuteqarnerupput, tassa Pituffimmi kiffartuussinissamik isumaqatigiissutip 2017-ip ingerlanerani Exalis-imut tunniunneqarsimanera pissutaalluni.

Tele Greenland A/S-ip 2016-imi akileraarutinut akiliutai 27,6 mio. kr.-t missaanniipput, matumanilu akileraarutinut akiliuteqartoqannginnissaa naatsorsuutaasimagaluarpoq. Taamatut akileraarutinut annertusiartuinnartumik akiliuteqartarnerit imaatigut kabelimut siusinnerusukkut aningaasaliisarnerit maanna akileraarutitigut nalikillilerneqareersimalernerannik tunggaveqartoq nalilerneqarpoq, taamaammallu maanna aningaasarsiat akileraaruteqaataasussat annertusiartoqqilersimapput, taakkuli ingerlatseqatigiiffimmi piginneqataasunut agguanneqarnerisa kingunerisaanik 82,0 mio. kr.-nut annikilleriarsimapput.

Pisiffik A/S-ip ukiumi kingullerni akileraarutinut akiliutai annertugisassaasimangillat. Tamatumunnga pingaarnertut pissutaavoq ingerlatseqatigiiffik ukiumi kingulliunerusuni sinneqartoorutit ilarpassuinik iluanaarutitut tunniussaartoqarsimammat, taamaammallu

Namminersorlutik Oqartussat ingerlatseqatigiiffinnut akileraarummik pinatik iluanaarutinik iluanaarutiniillu akileraarummiit pissarsisarsimallutik.


KNI A/S-ip 2015-imi ingerlalluarnera ukiumi naatsorsuusiorfiusumi 2016-imi ingerlaannarsimavoq, 2015-ilu assigalugu nioqqutissaateqarfik pingaarnertut ineriartorluartoqarneranut tapeeqataasimavoq, uuliaasiviilli isertitarisartagaat aalajaatsuusimallutik.

Royal Greenland A/S-ip 2016-imut naatsorsuutai naatsorsuisarnerup ukioq naallugu naatsorsuisarnermut nuunneqarsimaneramik sunnerneqarsimapput, taamaammallu 2016-imut ukiumoortumik nalunaarusiami qaammatit 15-it pineqarsimallutik (1. oktober 2015-imiit 31. december 2016-ip tungaanut).

Ingerlatsinermi angusat akileraaruserneqanngitsut 335 mio. kr. missaaniissasut, aningaasarsialli akileraaruteqaataasussat 32,6 mio. kr.-usut 2016-imut naatsorsuutit (qaammatit 15-it) takutippaat. Aningaasarsiat akileraaruteqaataasussat ingerlatseqatigiiffimmik piginneqataasunut 100 mio. kr.-nik tunniussisoqarsimaneramik pingaarnertut sunnerneqarsimapput.

2017-imi toqqaannangitsumik akileraarutit naatsorsorneqarnerisa inernerat

Toqqaannangitsumik akileraarutit akitsuutaapput. Immikkoortuni minnerni tullinguuttuni akitsuutinut assigiinngitsunut pineqartunut kontot ataasiakkaat allaaserineqarput. Immikkoortup siulianisut oqaatigineqassaaq kisitsisitut paasissutissiissutigineqartut tamarmik 1.000 kr.-kkaarmata kiisalu kisitsisit minusitalit isertitanut takussutissaammata.



Akitsuutinit tamarmiusunit isertitat 2009-mit 2014-imut amerliartuaarsimapput. 2015-imi isertitat ikilipput 2016-imili amerleqqillutik.

Aningaasaliissutit pillugit naatsorsuutit	Aningaasaliissutit	Atuineq	Nikingassut	Atuinerit %-inngorlugit
Nioqutissanik eqqussuinermit akitsuutit	-500.000	-515.442	15.442	103
Motoorinut akitsuut	-74.000	-77.099	3.099	104
Nukissiornermi ikummatissat avatangiisinut akitsuutaat energifremstilling	-17.000	-15.246	-1.754	90
Naqissusiinnermut akitsuutit	-25.000	-35.541	10.541	142
Eqquinaasitsinermit akileraarutit	-6.000	-4.481	-1.519	75
Aningaasanik ikisilluni pinnguaatinit akitsuutit	-8.000	-7.790	-210	97
Umiarsualivimmiinnermut akileraarutit	-7.000	-9.030	2.030	129
Raajanut akitsuut	-185.000	-175.432	-9.568	95
Aalisakkanut ikerinnaasiortunut akitsuut	-62.500	-49.911	-12.589	80
Qaleralinnut akitsuut	-40.000	-47.799	7.799	119
Akitsuutit, akiliilluni piniarneq aalisarnerlu	-600	-956	356	159
Sulisoqarnermut akitsuut	-79.000	-86.130	7.130	109

Akitsuusersuinermit naatsorsuutit ataasiakkaarlugit tullinnguuttumi sammineqarput.

Nioqutissanik eqqussuinermit akitsuutit

Nioqutissanik eqqussuinermit akitsuutit 15,4 mio. kr.-nik isertitsiffiunerupput, taakkulu 3%-imik nikingassuteqartitsipput.

Akitsuusersukkat amerlanerpaat annikinnerusumik ammut qummulluunniit nikingassuteqarput.

Isertitaqarneruneq qamutinit motorilinnit tupanillu nioqutissianit isertitanit pingaarnertut pissuteqarpoq, imigassanilli aalakoornartortalinnit iluanaarutit missingersuutigineqartuniit ikinnerusimapput.

2016-imi isertitanut sanilliullugit imigassanit tupaniillu isertitat ataatsimut isigalugit 10 mio. kr.-t missaannik ikinnerupput, taakkualu 2016-imi naatsorsuutitigut nassuiaatini Akileraartarnermut Aqutsisoqarfiup isertitanut taakkununga nassuiaataanut naapertuupput, matumani iluanaarutit pineqartut 2015-imut sanilliullugit qaffassimani toqqorsimavimmiittuuteqarnermit pissuteqartut isumaqarfigneqarpoq, atuinerunermi pissuteqaratik.

2017-imi aningaasaqarnikkut ineriartorluartoqarnera biilit/qamutit motorillit ataannartumik iluanaarutaalluarnerannik pissuteqarunarroq.



Tabel Nioqqutissanik eqqussuinerimi akitsuutit, nalingisa %-iinut agguataarlugit, 2016 aamma 2017

	2016	2017
Baaja	22,15	22,22
Cigarettit	21,87	19,99
Qamutit motorillit	9,27	9,68
Tupat allat	8,56	9,00
Viinni	8,46	8,11
Sukkulaatit	7,43	7,74
Mineralvandit	5,75	6,13
Imigassaq kimittoq	6,04	5,57
Puukut	3,76	3,88
Neqit	3,61	3,68
Sukkut/kaffi/tii	2,03	1,86
Assigiinngitsut (+qummoroortartut)	0,32	1,43
Tipigissaatit	0,75	0,70
Katillugit	100,00	100,00


Katillugit 515,4 mio. kr.-niusunit taakkunannga nioqqutissat eqqussorneqarneranni akitsuutit agguataarsimanagerat qulaani takuneqarsinnaavoq. Tassa 2017-imi eqqussuinerimi akitsuutit 52 %-ingajai baajat, cigarettit qamutillu motorillit eqqussorneqarnerannit pisuupput. 2016-imi eqqussuinerimi akitsuutit nalingi 519,5 mio. kr.-niupput.

Motoorinut akitsuut

Motoorinut akitsuutit 3,1 mio. kr.-t missaannik isertitaqarneruffiusimasut takuneqarsinnaavoq 4 %-imik nikingassuteqarnertut annertussusilimmik.

Isertitaqarnerunermut ilaatigut pissutaapput akiligassalinniit naatsorsuutigisamiit annaasaqannginnerunerit, soorlutaaq isumaqarnarluni aningaasaqarnikkut pitsaasumik allangorarnerit naatsorsuutigisamiit biilnik amerlanernik eqqussuinerimut pissutaaqataasut, tamannalu konto pingaarneq, 24.11.10 Eqqussuinerimut akitsuutit, aqqutigalugu qamutitut motorilinnut eqqussuinerimut akitsuutinit iluanaarutigut takuneqarsinnaavoq.

24.11.11 Motoorinut akitsuutit




Nukissiornermi ikummatissat avatangiisinut akitsuutaat

Nukissiornermi ikummatissat avatangiisinut akitsuutaat pillugit Inatsisartut inatsisaat nr. 21, 18. november 2010-meersoq naapertorlugu Nukissiornermi ikummatissanut akitsuummik Akileraartarnermut Aqutsisoqarfik akiliisitsiniartarpoq.

Nukissiornermi ikummatissat avatangiisinut akitsuutaat 1,7 mio. kr.-t missaannik isertitaqalaarneruffiusimasut takuneqarsinnaavoq 10%-inik nikingassuteqarnertut annertussusilimik.


Kontumi tassani iluanaarutaasartut ukiumiit ukiumut allanngorsinnaasarput, tassanilu apequtaasarpoq Polar Oilip toqqortaatai annertusisimanersut annikillisisimanersulluunniit.

Miljøafgift på produkter til energifremstilling



Aalisarnermut akitsuutit

Fiskeafgifter



Raajanut akitsuut

Raajanut akitsuutit 9,6 mio. kr.-t missaannik isertitakinnerulaarfiusimasut takuneqarsinnaavoq 5 %-inik nikingassuteqarnertut annertussusilimmik.

2017-imut aningaasanut inatsimmi agguaqatigiissillugu 15 procentimik akitsuusiinissaq missingersuutaasimavoq, tassanilu kiilumut 30,00 kr.-t missaannik akeqartitsilluni 43.200 tonsit

missaat tunineqartussat naatsorsuutaapput, tunisiner mili 34.300 tonsit missaat agguaqatigiissillugu kiilumut 36,36 kr.-nik akeqartitsilluni tunineqarsimallutik.

Aalisakkanut ikerinnaasiortunut akitsuut

Aalisakkanut ikerinnaasiortunut akitsuutit 2017-imi 49,9 mio. kr.-nik isertitsissutaasimapput.

Konto pingaarnermi 12,6 mio. kr.-t missaannik isertitaqarnerulaartoqarsimasoq takuneqarsinnaavoq 20%-inik nikingassuteqarnertut annertussusilimmik. 2017-imi aalisarneqartussat missingersuutaasunut sanilliullugu avaleraasartooriarnepup ajornarnerusimanera nikingassummut pissutaanerpaajuvoq.

Qaleralinnut akitsuut

Aningaasaliissutit qaffasissusiisa naatsorsorneqarnerat	Aningaasaliissutit	Atuineq	Nikingassut	Atuinerit %-inngorlugit
Qaleralinnut akitsuut	-40.000	-47.799	7.799	119

2017-imi 7,7 mio. kr.-nik isertitaqarnerusoqarsimavoq.

Ilaatigut 2017-imut aningaasanut inatsimmi missingersuusiortoqarsimaneranut sanilliullugu qaffasinnerusunik akitsuusiisoqartarsimanera, ilaatigullu aallaqqaammut naatsorsuutigisamit pisaqartoqarnerulaarsimanera pissutaallutik isertitaqarnerusoqarpoq.

Sinerissamut qanittumi aalisarneq naatsorsuutigisamiit iluanaaruteqarfiunerusimagaluartoq 2016-imut sanilliullugu sinerissamut qanittumi aalisarnermit 29,2 mio. kr.-nik isertitaqarfiusimasumit minnerupput.

Akitsuutit allat

Akitsuutit allat, tassaasut umiarsualivimmiinnermut akileraarutit, naqissusiinnermut akitsuutit, eqquiniaasitsinermi akileraarutit, aningaasanik ikisilluni pinnguaatinut akileraarutit kiisalu akiliilluni piniarnermi aalisarnermilu akitsuutit annikitsuinnarmik isertitaqarfiusimapput.


Akitsuutit taakku katillugit 48,7 mio. kr.-t missaannik isertitsiffiusimapput 2017-imi katillugit 9,1 mio. kr.-nik isertitaqarnerunerup annertoqqataanik.

Sulisogarnermut akitsuut

Sulisogarnermut akitsuut pillugu Inatsisartut inatsisaat nr. 10, 2. november 2006-imeersoq naapertorlugu Sulisogarnermut akitsuut (AMA) akilersinneqartarpoq. Akitsuutip annertussuseraa sulisitsisup akissarsianut tamarmiusunut akiliutigisartagaata 0,9 %-ia.

Konto pingaarneq 7,1 mio. kr.-t missaannik isertitaqarfiunerusimavoq, tamannalu missingersuutitut sanilliullugu 9 %-it missaannut naapertuuppoq.

2017-ip ingerlanerani aningaasaqarnikkut suliassaqaqarnerulerneq tamatumalu kinguneranik annertusiartortumik suliffissaqartitsinerit isertitaqarnermut annermik pissutaapput, taakkualu aamma akileraarutitut A-nut ingerlaavartumik akiliutigineqartartuni kontumi pingaarnermi, 24.10.10 Nuna tamakkerlugu akileraarut, takuneqarsinnaapput.



2017-imi akissarsianit ilanngaanissamut isumaqatigiissutit, naafferartumik akilersuinissamut aaqqissuussinerit akiitsuullu qanoq inissisimanerisa naatsorsorneqarneranni inernerit

2017-imi akiliisitsiniartarnermut immikkoortortap akissarsianit ilanngaanissamut inuit 2.524-t isumaqatigiissuteqarfigai naafferartumillu akilersuinissamut inuit 169-it isumaqatigiissuteqarfigalugit. 2017-imi akissarsianit ilanngaassinikkut 42,5 mio. kr.-t

naafferartumillu akilersuinikkut 1,3 mio. kr.-t isertinneqarput. Tassa 2016-imut sanilliullugu akilersuisut amerlanerupput akilersukkallu nalingi annertunerullutik.

Akiitsut tamarmiusut januar 2017-imiit januar 2018-imut 16,3 mio. kr.-nik ikileriarisimapput, tassa 785,4 mio. kr.-t missaanniit 769,1 mio. kr.-t missaannut.

Akiitsulli pillugit suliat amerlassusaat 2017-ip ingerlanerani 11.500-t pallingajalluinnarlugit amerlisimapput.

Akiitsunit 769 mio. kr.-t missaanniittunit januar 2018-imi 107 mio. kr.-t missaanniittut akilerneqarsimapput, taakku akiitsut pillugit sulianut 66.000-it missaanniittunut agguagaapput. Suliassat amerleriarsimapput, akiitsulli tamarmiusut 2017-imut sanilliullugu 2018-imi ikinnerullutik.

Tabel 2017 – 2018-imi akiitsut qanoq inissisimaneri

Akiitsut suuneri	Amerleriaatit 2017		Ikileriaatit 2017	
	Suliat amerlassusii	Akiitsup annertussusia	Suliat amerlassusii	Akiitsup annertussusia
	Qassiuneri	Kr.	Qassiuneri	Kr.
Meeqqanut akilersuutit	9.073	35.805.597	-6.565	-23.426.696
Akilaraarutissat sinneri	97	3.943.532	-203	-2.636.206
ESU	1	3.630.103	-10	-24.376.004
A-akilaraarutit	548	4.103.921	-400	-5.365.952
Ingerlatseqatigiiffiit akilaraarutaat	67	39.020	-21	-453.049
Ineqarnermut akiliutit	803	-200.591	-1.693	-11.226.727
Akilaraarutit erniaat	518	489.975	-79	-140.669
Kommuninut akiitsut assigiinngitsut	6.084	10.917.895	-6.064	-8.032.617
Ikiorsiissutit utertinneqartussanngortitat	1.047	1.573.186	-1.104	-2.730.848
Ilinniarnermi taarsigassarsiat	253	1.725.678	-147	-776.348
Ulluunerani paaqqinniffiit	8.774	3.091.044	-7.191	-3.806.048
Eqqagassat	33.483	9.481.033	-28.104	-7.134.197
Kommunimi inuussutissarsiutinut taarsigassarsiat	0	-65.145	-33	-440.830
Namminersorlutik oqartussanut akiitsut assigiinngitsut	5.513	3.893.243	-1.855	-4.708.180
Initaarniarnermut tapiissutitigut taarsigassarsiat	197	5.298.588	-27	-555.957
Nammineq illuliornermi taarsigassarsiat	3	-200.085	-16	-330.814

Innaallagiasq/imeq	2.113	530.197	-6.098	-2.352.779
Meeqqanut inissitanut angajoqqaat akiliutaat	6.786	6.757.000	-4.008	-5.592.227
Nunat avannarliit piumasaqaataat	105	8.443	-357	-2.809.087
Akiitsut allat	1.983	329.335	-1.980	-563.897
Katillugit	77.448	91.151.969	-65.955	-107.459.132

Tabelimi takutinneqarput januar 2017-imi ukiup tullianut sanilliullugu akiitsut qanoq inissisimanersut, suliat amerleriaataat ikileriaataallu kiisalu akiitsut tamarmiusut ilanngullugit.

Akiitsut pillugit suliassat nutaat 2017-ip ingerlanerani 77.448-t missaanniittut katillugit 91,1 mio. kr.-t missaannik nalillit pissarsiarineqarsimapput.

Januar 2018-imi akiitsorineqartut

Akiitsut suuneri	Januar 2018	
	Suliat amerlassusii	Akiitsut
	Qassiuneri	kr.
Meeqqanut akilersuutit	78.822	372.776.473
Akileraarutissat sinneri	1.236	27.183.894
ESU	74	40.045.632
A-akileraarutit	2.860	20.869.352
Ingerlatseqatigiiffiit akileraarutaat	83	306.361
Ineqarnermut akiliutit	5.669	66.988.328
Akileraarutit erniaat	1.810	2.382.538
Kommuninut akiitsut assigiinngitsut	20.562	44.015.335
Ikorsiissutit utertinneqartussanngortitit	5.582	25.936.075
Ilinniarnermi taarsigassarsiat	1.135	15.460.808
Ulluunerani paaqqinniffiit	25.679	15.272.510
Eqqagassat	108.654	33.541.965
Kommunimi inuussutissarsiuutinut taarsigassarsiat	85	744.037
Namminersorlutik oqartussanut akiitsut assigiinngitsut	12.547	25.462.361
Initaarniarnermut tapiissutitigut taarsigassarsiat	345	16.348.205
Namineq illuliornermi taarsigassarsiat	307	4.334.523
Innaallagiasq/imeq	12.510	4.652.746
Meeqqanut inissitanut angajoqqaat akiliutaat	29.751	38.779.491
Nunat avannarliit piumasaqaataat	939	11.591.657

Akiitsut allat	8.600	2.417.163
Katillugit	317.250	769.109.454

* Oqaatigineqassaaq akileraarutigut annaasanut immikkoortitat 190 mior. kr.-usut ilanngunneqanngimmata.



Akiliisitsiniarnermut tunngatillugu kontop misissorneqarnera

Akiliisitsiniarnermut tunngatillugu kontot pineqartut pingasut immikkoortumi tullinnguuttumi allaaserineqarput. Immikkoortoq siulianisut pingaaruteqarpoq erseqqissaatigissallugu kisitsisit tabelini takuneqarsinnaasut tamarmik 1.000 kr.-kkaarmata kiisalu kisitsisit minusitallit isertitanut takussutissaammata.

Pisassanut allanut siusinnerusukkut isumakkiikkanut akiliutit (Isertitassatut aningaasaliissutit)

Aningaasaliissutit qaffasissusiisa naatsorsorneqarnerat	Aningaas aliissutit	Atuineq	Nikingass ut	Atuinerit %-inngorlugit
Isertitat	-10.000	-9.554	-446	96

Kontumiipput pisassanit siusinnerusukkut isumakkiikkanit Namminersorlutik Oqartussat isertitaat tamarmiusut. Isertitat annertussusaannut qanoq akiliisitsiniarluni suliaqarsimaneq aamma Namminersorlutik Oqartussat pisassarsiassaata apeqqutaapput, tassunga ilanngullugu Akileraartarnermut Aqutsisoqarfiup nammineq pisassai teknikkkut qanoq isumakkeerneqarsinnaanersut akiligassanngortillugillu nuunneqarsinnaanersut. Akiliisitsiniarnissamat isumakkeerininnerit amerlanerusinnaagaluarpot, tassungali taarsiullugu akiligassiisup akiitsoqartullu akornanni toqqaannartumik tamanna aaqqiiffigineqartarpoq, tassa suliaqarnermi tamanna iluaqutaasarpoq akiitsulimmullu artukkiissutaasunik annikillisisararluni.

Naak inuiaqatigiinni aningaasaqarneq ajunngitsumik ineriartorfiugaluartoq akiitsorineqartut tamarmik januar 2017-imiit januar 2018-imut 2,5 %-imik qaffariarsimapput, tamatumunngalu pissutaavoq akiitsorineqartut tamarmik akileraarutitigut annaasanut immikkoortinneqartut ilanngullugit januar 2017-imi 835 mio. kr.-t missaanniit januar 2018-imi 959 mio. kr.-t missaannut amerleriarsimanerat.

Taamaattoq nalilerneqarpoq aningaasaqarnikkut siuariartornerup ilarujussua aalisarnermik, aalisarnermilu sammisanut attuumassutilinnik sanaartornermillu aallaaveqartoq, sulisartullu ilarpassui suli akissarsiaqarnerulerniarlutik sorsuuteqarlutik, taamaammallu tamakku akiliisinnaassusiat ukiuni makkunani pitsanngoriarsimanani, tamannalu pissutigalugu taakku akiliisinniartarnerat ajornarnerulersimalluni.

Isumakkeerneqartut annertusiartortillugit aningaasat amerlanerusut pisassani siusinnerusukkut isumakkeerneqarsimasuni isertitatut nalinginnaasumik kingusinnerusukkut takkuttarput.

Naliliisoqarpoq akiliisitsiniartarnermut tunngassuteqartuni ukiut kingulliit ingerlaneranni naammassisaqarsinnaaleriartornerup kingunerisimagaa akiliisitsiniarluni suliat "oqinnerit" ilarpassuisa "pissarsissutaasarnerat" maannakkut anguneqarsimasoq, taamaalilluni suliat sinneruttut ilarpassui pisariunerulerlutik, soorlutaaq naliliisoqartoq suliani tamakkunani akiliisinnaassuseqarneq suli annerusumik killeqarluninalersimasoq.

Akileraartarnermut Aqutsisoqarfimmittaaq isumaqartoqarpoq aningaasat akilersinniarneqartussat ikileriarnannut pissutaasoq pisortat akiligassaqarfiusut ilaat ukiuni kingulliunerusuni akiligassaqartuutiminnut tunngatillugu paarsilluarnerulersimanerat, tamatumalu kinguneralugu akiitsut ingerlaannarlugit akileriaannaat arlallit akiligassatut Akileraartarnermut Aqutsisoqarfimmut nassiunneqassaarsimanerat.

Sulisitsisuni unerartitanit annaasat

Aningaasaliissutit qaffasissusiisa naatsorsorneqarnerat	Aningaasaliissutit	Atuineq	Nikingassut	Atuinerit %-inngorlugit
Isertitat	500	0	500	0

Inatsisit tunngavigalugit aningaasarsianik ilanngaasarnermi eqqartuussisarnermut inatsimmi § 625 malinneqartarpoq.

Sulisitsisup sulisut aningaasarsiaannit ilanngaataasussanik akiliuteqannginneranut atatillugu annaasat kontup matussusertarpai. Sulisup aningaasat unerartinneqarsimasut uppersarsinnaappagit, aningaasanut unerartinneqartunut sulisoq pisussaaffeerutissaaq. Sulisitsisup aningaasat unerartinneqartut akilersimangippagit, sulisitsisumut pineqartumut akiliisitsiniartarpoq piunasaqaateqassaaq.

Ukiumut atorneqartut missingersuusiornissaat ajornakusoorpoq, kontumimi tassani atukkat tamarmik pissusiviusutigut inatsisinik atuuttunik unioqutitsinermit takussutissaammata.

2017-imi annaasaqartoqarsimaneranik nalunaarsuisoqarsimanngilaq.

Akilaraarutitut akiliisitsissutit

Aningaasaliissutit qaffasissusiisa naatsorsorneqarnerat	Aningaasaliissutit	Atuineq	Nikingassut	Atuinerit %-inngorlugit
Isertitat	-5.000	-3.694	-1.306	74

Aningaasarsiat akilaraaruteqaataasussat aalajangersarneqarnissaannut eqqunngitsumik paasissutissiinermit imaluunniit paasissutissanik tunniussinnginnermit atatillugu akiliisitsissutit aamma sulisitsisunit piffissaagallartillugu akilaraarutit A-nik unerartitsinissamut aamma/imaluunniit akilaraarutit A-nik uninngatitaminnik naatsorsuinissamut pisussaaffimminnik naammassinninngitsunit akiliutigineqartut kontumi matumani isertitatut naatsorsorneqarput.

Aningaasaliissutigineqartunut sanilliullugu kontumi pingaarnermi 1,3 mio. kr.-t missaannik atuinikinnerusoqarsimavoq. Soorunami ukiumi aalajangersimasumi unioqutitsinerit qanoq amerlatiginissaat missingersuusiorfigissallugit ajornakusoorpoq, peqataanilli isumaqarnarpoq ukiuni kingullerni Akilaraartarnermit Aqutsisoqarfiup sukanganerumik periuseqalernera sulisut akilaraarutit A-nik unerartitassaannut nassuiaasarnissamut akiliuteqartarnissamullu malitassanik sulisitsisut amerlanerit malinnilersimanerat malunnartoq.

Akilaraartarnermit Aqutsisoqarfiup 2017-imi sulisitsisut 137-t nakkutilliarlorluni pulaarpai, nakkutilliinermullu atatillugu akilaraarutit A-nik naatsorsuisimannginneq imaluunniit kukkusumik naatsorsuisimaneq pissutigalugit akiliisitsissutissat 74-it katillugit 3,2 mio. kr.-t missaannik nalillit suliaralugit.

Akilaraartarnermit Aqutsisoqarfiup maanna suliat 50-it missaanniittut akilersinniarneqarnissaannut tunngavissaqarnersut nalilersorpai.

Akitsuutitut akiliisitsissutit

Aningaasaliissutit qaffasissusiisa naatsorsorneqarnerat	Aningaasaliissutit	Atuineq	Nikingassut	Atuinerit %-inngorlugit
Iserititat	-200	-1.681	1.481	841

Ukiumut aningaasaliissutitut sanilliullugu annertunerusumik isertitaqarnerusoqarsimanera kontumi pingaarnermi takutinneqarpoq. 2017-imi nikingassutit annertuneri sulianik pingasunik pissuteqarput, suliani taakkunani akiligassinneqartut katillugit 1.473.000 kr.-nik akiligassinneqarsimallutik.

Soorunami unioqutitsinerit qassiunissaat missiliussallugit ajornakusoorpoq, taamaammallu iluanaarutissatut missingersorneqartut ukiuni kingulliunerusuni iluanaarutitik piviusunngortunik aallaaveqarput.

Naatsorsuinermit inernerit allat

Ukiumut aningaasarsiorfiusumut 2018-imut tunngatillugu siumoortumik nalunaarsuinissamut immersugassat 19.932-usut 2017-imi oktobarip qaammataani nassiussuunneqarput.

Ukiumut akileraarfiusumut 2018-imut atatillugu akileraartarnermut allagartat 40.814-it nassiussuunneqarsimapput. Tunisinermit allagartat 2.700-t nassiussuunneqarsimapput.

Ukiumi akileraarfiusumi 2016-imi akileraarutinit utertoortissat 158,5 mio. kr.-usut inunnut 22.390-inut Akileraartarnermut Aqutsisoqarfiup ulloq 31. august 2018 tunniuppai. Taakkunanga 158,5 mio kr.-usunit 46 mio. kr.-t ilanngaassinikkut, akuliunnikkut akiliussigallarnikkullu pisortanut akiitsunut akiliutigineqarput. 26 mio. kr.-t nunatsinni kommuninut, INI A/S-imut, Iserimmut, Nukissiorfimmut allanullu akiitsunut akiliutigineqarput. Sinneruttut 20 mio. kr.-usut Namminersorlutik Oqartussanut akiitsunut akiliutigineqarput.

Tamatumunnga peqatigitillugu 2016-imi akileraarutissat sinneri 190,6 mio. kr.-usut akileraartartunut 10.355-iusunut 2017-imi akileqquneqarput. Taakkunanga 57,9 mio. kr.-t 2018-imut siumoortumik nalunaarsuisimanermit atatillugu naatsorsuinermit ilanngunneqarput, 132 mio. kr.-t pingasunngorlugit avillugit naafferartumik akilersoqquneqarput.

2017-imi inaarutaasumik naatsorsuutit katillugit 42.092-iusut nassiussuunneqarput.

Sulinal & GER

2017-imi sulititsisut 2.038-t missaanniittut akileraarutinut A-nut 3,87 mia. kr.-t AMA-mullu 86,1 mio kr.-t akiliutigineqartussatut nalunaarsorsimavaat.

2017-imi GER normut 6.026-usut atuupput, tassa 2016-imut sanilliullugu amerlanerulaartut.

Ulloq 1. januar 2017 aallarnerfigalugu Kalaallit Nunaanni Inuussutissarsiummik Ingerlataqartunik Nalunaarsuiffik GER Danmarkimi Inuussutissarsiummik Ingerlataqartunut Qitiusumik Nalunaarsuiffimmut CVR-mut nuunneqarpoq. Sulili kalaallit suliffeqarfiutaat Akileraartarnermut Aqutsisoqarfik aqutigalugu nalunaarsorneqarsinnaapput.

Tabelimi tulliuuttumi takuneqarsinnaapput nunatsinni suliffeqarfiit pingaarnertut suliaqarfiinut agguarsimasut. Nunalerinerup, piniarnerup aalisarnerullu iluini suliffeqarfiit amerlanersaapput, tassani pineqarput umiatsiaararsorlutik aalisartut, umiarsuaatillit savaatillillu. Taakku saniatigut suliffeqarfiit namminersortut amerlanersaat tassaapput kiffartuussinerup niuernerullu iluini nunami suliffeqarfiit mikinerusut.



2017-imi Kalaallit Nunaanni suliffeqarfiit amerlassusaat, pingaarnertut suliaqarfiinut agguarsimasut

Suliaqarfik	Amerlassusaat
Allaffissornikkut kiffartuussinerit ikuinerillu	324
Kiffartuussinerit allat	999
Sanaartornermik ingerlataqartut	442
Kattuffiit suliniaqatigiiffiillu nunanit allaneersut	6
Innaallagissamik, gassimik ataatsimoortumillu kiassaanermik pilersuineq	2
Niuertunut pilersuisut inunnullu pisiniarfiit; qamutininik motorilinnik motorcykelinillu iluarsaassisarut	506
Illuutit	393
Tunisassiortut	196
Paasissutissiisarneq attaveqatigiinnerlu	185
Kulturi, aliikkutassiat timersornerlu	376
Nunalerineq, piniarneq, orpippassualerineq aalisarnerlu	1.007
Namminersortutut, ilisimatuussutsikkut teknikikkullu kiffartuussinerit	478
Pisortatut ingerlatsineq illersuinerlu; isumaginninnikkut isumannaallisaaneq	20
Unnuiarfiit neriniartarfiillu	169
Aningaaseriviit aningaasanillu niuerneq, sillimasiineq	52
Aatsitassarsiorneq	117
Peqqinnissaqarfik isumaginninnikkullu ikiorsiissutit	199
Assartuineq nassiussalerinerlu	264
Ilinniartitsineq	97
Imermik pilersuineq; eqqakkanut kuuffeqarneq, eqqagassalerineq aamma issumik imermillu nunap iluaneersumik saliineq	48
Paasissutissiissutigineqarsimangitsut	146
Katillugit	6.026
Paasissutissarsiffik: Kalaallit Nunaanni Inuussutissarsiummik Ingerlataqartunik	
Nalunaarsuiffik/Naatsorsueqqissaartarfik	

2017-imi GR normunik aamma biilit agguataarsimaneri pillugit nalunaarsuinerimi inernerit

2017-imi qamutit atorunnaarsimasut 1.163-it qamutillu nutaat 1.121-t Akileraartarnermut Aqutsisoqarfimmi nalunaarsorneqarsimapput. Qamutinit nutaanit 979-it tassaapput inuit biilii. 2017-ip naannerani qamutit motorillit 10.440-t nalunaarsorneqarsimapput, 2016-imi nalunaarsorneqarsimasut 8.829-ullutik. Tassa qamutit 1.600-nik amerlanerulersimapput. Tabelimi tulluuttumi qamutit suuneri immikkoortiterlugit takutinneqarput.

Qamutit motorillit 2017-imi Akileraartarnermut Aqutsisoqarfimmi nalunaarsorneqarsimasut

	2017-ip amerlassutsit katillugit	naanerani Nutaat 2017	Atorunnaakkat 2017
Inuit biilii	6.311	979	846
Qamuteralaat	1.983	309	155
Bussit	125	25	24
Entreprenøreqarfinni maskiinat	875	80	28
Lastbiilit	376	39	32
Biilit			
innaallagissamoortut	442	128	10
Taxat	320	58	66
Motorcykelit	8	3	2
Katillugit	10.440	1.621	1.163

Paasisutissarsiffik: Akileraartarnermut Aqutsisoqarfik.

Akileraartarnermut akitsuusiisarnikkullu inatsisini 2017-imi allannguutit

Qalerallit aamma aalisakkat allat ilaasa akitsuutaat pillugit Inatsisartut inatsisaata allanngortinneqarneranik Inatsisartut inatsisaat nr. 2, 29. maj 2017-imeersoq (Avaleraasartuut akitsuutaannik allanngueq).

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. 9, 1. juni 2017-imeersoq.

Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat nr. 11, 1. juni 2017-imeersoq (Akileraaruseriffiup aamma Naalakkersuisut oqartussaaffiik agguataarineq il.il.).

Inuussutissarsiummik ingerlataqarneq pillugu Inatsisartut inatsisaata allanngortinnissaa pillugu Inatsisartut inatsisaat nr. 13, 1. juni 2017-imeersoq (IIN-normup CVR-normunngorlugu allanngortinnera, kiisalu kalaallisoortaani allannguut).

Aningaasarsianit akileraarutit pillugit Inatsisartut inatsisaata nr. 12, 2. november 2006-imeersup allanngortinneqarneranik Inatsisartut inatsisaat nr. 18, 26. juni 2017-imeersoq (Aktiaatillit taarsigassarsiaasa akileraaruserneqartalernissaat, atornerluisoqarsinnaanera akior-niarlugu maleruagassaq, sulisorisanik atukkiussinermi akileraarutininik unerartitsisussaataaneq il.il.).

Aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat nr. 23, 13. november 2017-imeersoq (§ 63, imm. 2-mi kukkunermik naqqiut).

Pigisanit pissarsiat ilaasa akileraaruserneqartarnerat pillugu Inatsisartut Inatsisaat nr. 37, 23. november 2017-imeersoq.

Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat nr. 44, 23. november 2017-imeersoq.

Kalaallit Nunaanni aalisarnermi pisarineqartut isumalluutinik atuineranut akitsuutaat pillugit Inatsisartut inatsisaat nr. 46, 23. november 2017-imeersoq.

Aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat nr. 48, 23. november 2017-imeersoq (Soraarnerussutisiaqalernissamut aningaasaatit Kalaallit Nunaanni angerlarsimaffeqartut akileraaruserneqartarnerat, soraarnerussutisiassanit naafferartumik annertoqqatigiimmik tunniunneqartartussanit soraarnerussutisiassanik nuussineq, akileraarutitigut sumut attuumassuteqarnermut tunngasut aamma avataaneersunut sulisussanut, Namminersorlutik Oqartussat sinnerlugit mittarfiliassanik suliaqartunut, ilanngaasiinnginnermi akileraarutitut aaqqissuussineq).

Aningaasanut kontot USA-mut attuumassuteqartut ilisimanissaat nalunaarutigineqarnissaallu pillugit Namminersorlutik Oqartussat nalunaarutaannut nr. 5, 3. maj 2017-imeersoq.

Aningaasatigut kontonik nunanut allanut attuumassutilinnik kinaassutsimik uppersaasarneq nalunaaruteqartarnerlu pillugit Namminersorlutik Oqartussat nalunaarutaat nr. 13, 30. august 2017-imeersoq.

2018-imi akileraarutitigut naligiissaanissaq aamma kommuninut ataatsimut akileraarutit agguataarneqarnissaa pillugit Namminersorlutik Oqartussat nalunaarutaat nr. 14, 18. september 2017-imeersoq.